

大唐正元續開元錄

大唐正元續開元釋教錄卷中

大唐正元續開元釋教錄卷中 登世

甲戌歲西明寺翻經臨壇沙門圓照撰

四朝應制所翻經論及念誦法并修

疏記碑表錄集等總三百一十二卷

并目錄三百一十五卷

一百六十二卷經論及念誦法

六十四卷經律疏義

八十六卷正元新集古今制令碑表

記錄

并目八十九卷

六十四卷經律疏義

代宗朝

新再譯仁王護國般若波羅蜜多經

疏三卷

右青龍寺翻經講論大德沙門

良賁奉

詔修述疏云此經凡

有四譯第一晉太始三年月支

三藏法護譯爲一卷名仁王般若
若第二後秦弘始三年三藏法
師鳩摩羅什秦云童壽於長安
西明閣逍遙園譯爲兩卷名仁
王護國般若波羅蜜第三梁承
聖三年西天竺優禪尼國三藏
波羅末陀梁云貞諦於洪府寶

因寺譯爲一卷名仁王般若并
疏六卷然則晉本初翻方言尚
隔梁朝所譯隱而不行秦時所
翻流傳宇內自古高德疏義寔
繁百座相仍崇護國矣粵惟
巨唐肅宗皇帝重昌堯化革弊
救焚至憂黎元澡心齋戒請南

天竺執師子國灌頂三藏名阿
目佉唐言不空翻傳衆經以安
社稷茲願未滿 仙駕歸天我今
寶應皇帝再造乾坤禮樂惟新
明白四達恭嗣先訓恩累請焉
永泰元年歲在乙巳詔譯斯經仍
勅觀軍容使開府魚朝恩兼統
其事於南桃園翻譯起自月朔

終乎月望於承明殿灌頂道場
御執舊經對讀新本 詔日新
經舊經理甚符順所譯新本文
義稍圓斯則金言冥契於聖心
佛日再生於鳳沼翻傳先後其
在茲歟三藏言善兩方教傳三
密龍宮演奧邃旨聞天佛日再
中真風永扇良賁學孤先哲有

玷清流叨接翻傳謬膺筆受幸
揚天闕親奉德音令於大明宮
南桃園修疏贊演宸光曲照不
容避席竊立珠於貝葉但益慙
惶捧白璧於丹墀寧勝報効仰酬
皇澤俯課忠勤旣竭愚誠庶昭
立造矣

法師諱良賁俗姓郭氏陝府虞邑人也
幼踐緇門尋師訪道外博經史儒
墨九流內習佛經五乘八藏若性若
相教義周圓奉

詔翻經兼修疏義裁成三卷京邑傳

通時永泰二年繕寫云畢修表進上

請以流行詞曰沙門良賁言伏奉今

年二月十一日

恩命令在內於南挑園修撰新譯仁
王般若經疏微僧寡學懼不稱
旨洗心滌慮扣寂求音發明起自於
天言加被仰憑於佛力威約經論演
暢真乘亦猶集群玉於崑山納大川
於溟海火生於木與七耀而俱明識
轉於如體一相而等照成道者法也
載法者經也釋經者疏也廣度群有

同於大通是菩提心如陛下意謹以
今月八日繕寫畢功文過萬言部有
三卷施行竊慙於愚見裁成翼答於
聖恩并陀羅尼念誦儀軌一卷承明
殿講密嚴經對
御記一卷今並同進輕塵
玄鑒祇畏無任謹奉表陳進以聞沙

門良賁誠懽誠懼謹言

永泰二年十一月八日奉詔內
修撰疏沙門良賁上表

寶應元聖文武皇帝荅曰

法師智炬高明詞峯迥秀親憑梵夾
弘闡微言幽蹟真宗演成章疏開如
來之秘藏示群有之迷津貫玉聯珠
鉤深致遠再三披閱頗謂釋詳傳之

招提永爲法寶也

是日迺墨詔褒美新疏流通光庇釋
門勸勵後學洎章敬寺梵宇初成執
疏伏膺常數百衆雖紙貴如玉無以
加焉或在安國伽藍敷揚亦介皆官
給飲食以供聽徒數年之間歸者如
市至大曆七祀正月十六日不空三
藏奏請入目錄

勅旨依奏仍宣付中外並編入一切
經目錄如上卷中說法師昔大曆六
年徙居集州教授傳經不遑寧止至
十二年三月十日春秋六十一僧夏
二十九微疾不興而卒於彼遺身還
京上都城東置墳塔矣即十三年歲
也其表中云陀羅尼念誦儀軌一卷

承明殿講密嚴經對御記一卷昔修
撰訖隨表上聞留在紫宸未宣中外
訪本不獲故闕列名如或得之請書
於左
大集大虛空藏菩薩所問經疏四卷
上都大興善寺翻經講論大德沙門
潛真述疏云一述古者按晉世雜錄
及開元釋教錄云一西秦沙門聖堅

或云法堅或云堅公譯一本名方等
王虛空藏經或加云所問經或云勸
發菩薩莊嚴菩提經二北涼曇無讖
三藏譯方等大集經六十卷與漢支
謙及姚秦羅什出者並同此即大集
經之一分也以理義幽妙故別譯流
行耳二明今者即我巨唐大曆年中
所譯者也元平本起者有前廊坊節

度兼御史中丞鄭國公杜冕施俸一
萬千爲國請譯諸大乘經
詔可其奏因請大興善寺大廣智三
藏諱阿目佉唐云不空譯此經等數
十部並奉詔入藏流傳中外然三
藏和尚學藝崇深神儀秀邈瑜伽三
密獨步南天專精一乘共推東夏曉

二方之世論尤善聲明達五部之真
言妙窮法印故此所譯善得其真然
比經是法性大乘文理昭顯傳譯雖
久世未受持若明珠繫於衣中金寶
隱於室內能發揮者其惟大師歟潛
真幸忝翻傳兼陪潤色因蒙驅策修
疏讚揚竊思愚陋之深有慙先哲既
獲仁人之用無耻後賢敢竭鄙誠以

陳踈拙耳復有尚書比部員外郎李
端述疏序曰昔如來以甚深妙道度
難化衆生開無量法門說無邊法教
俾夫順其機之所悟於是乎住持隨
其性之所安於是乎迴向其趣也或
異其歸也則同故雖三藏之派別有
以見其還源矣雖五乘之條分有以
見其返本矣夫諸法相者無非空也

去來今世本空也至於通宗理契皆
空也或以種種經法種種譬喻而必
以虛空立義乃會於如如則知是經
者諸佛之蘊邪若然貧者之得寶藏
渴者之遇流泉斯所謂盈其願矣斯
所謂得其求矣矧夫明月之珎乎矧
乎甘靈之味乎

寶應元聖文武皇帝撫運賢劫大興
佛事大廣智三藏不空金剛者得念
總持惟深實相徧遊印度堅哉求法
之誠不遠中華廣哉傳法之志獲是
梵本重茲翻譯聖言猶其詳備矣勝
義猶其圓通矣興善寺上座大德潛
真學則該通才稱辯博善說法要尤
精空門傳譯之初也親奉詔言闡揚

之次也特承付囑以言詮理得理然後忘言因法證空空明然後捨法法苟漸也言其已乎於是暢其宗宣其義搜其機要會其旨歸編而爲疏凡有四卷蓋所以開後來之學成無上之因豈徒名數篇章而已

法師諱潛真俗姓王氏字義璋太原華族代爲夏州朔方縣崇道鄉里人

也烈考珎師即公之中子也年在學
數業尚典墳兼好佛經誦持無替甫
及弱冠有制度人法師志業素高以
經應選即

玄宗皇帝開元二十六年正月八日
制至九月二十四日度訖挾名聞奏
任本州靈覺寺泊乎明年受具足戒

自後聽習經論詳考宗源暑往寒來
卷不釋手翻經著述逮乎終年又撰
大聖文殊師利菩薩佛剎功德莊嚴
經疏三卷上都大興善寺翻經講論
大德沙門潛真述疏云此經凡有三
譯一西晉太熙元年竺法護譯名文
殊師利佛土嚴淨經兩卷亦名嚴淨
佛土經文勢多古語簡理幽二者

皇唐天后久視元年庚子歲于闐三
藏實義難陀唐云學喜於京清禪寺
譯名文殊師利授記經三卷玄軌法
師筆受復禮法師潤文文勢穎於華
嚴梵旨近於巧略疏中對會兼約此
經三者

今聖唐大曆六年所譯者也伏惟

寶應元聖文武皇帝陛下天授帝籙

人歸寶圖德厚乾坤明齊日月仁恕
引物夷狄仰德而輸誠慈惠法門正
教承風而演化頃者有前廊坊節度
兼御史中丞杜晃奏施一萬千爲國
請譯諸大乘經
明詔下於祇園梵旨開於貝葉因請
大興善寺大廣智三藏諱阿目佉唐

云不空譯此經等數十部仍有
明詔天下梵字各置大聖文殊菩薩
像以旌聖功也又
詔以文殊師利菩薩爲上座皆大廣
智三藏之故也然三藏和上學究瑜
伽解窮法印身口意業祕密修持戒
定慧學顯通唐梵文字聲韻具知傳
譯此經善符

聖旨文質兼備璨然可觀潛真識智
愚陋學藝庸淺幸陪清衆謀在讎傳
虛空藏經課虛潤色兼蒙驅策述疏讚
揚雖文義荒蕪已傳京邑今之所作
蓋有由焉有金閣寺大德道超禪師
學盡法源行契心本親覩靈境密承
聖慈故久在清涼屢興淨業仍於金
閣現處建窣堵波尋覲法緣來詣京

國以此經爲本事以大聖爲本師顯揚
聖德無過此者乃稽首三藏和尚誓
傳大聖法門不以潛具庸虛轉祈和
尚邀令述作和尚不念前之鄙陋又
令讚釋此經竊恐難契真詮敢不盡
其愚訥時大曆八年癸丑之歲冬十
有一月也法師學通內外性相圓明

考覈幽玄精研教理探蹟今古比按
親疎分別異同歸於一義辯猶泉涌
思入虛凝直筆而書記於絕唱結成
三卷以作准繩現在未來永無疑網
也又述

發菩提心義一卷

發菩提心戒一卷

并三聚淨戒
及十善法戒

共十三紙

右並翻經大德潛真親奉三藏

和上示以祕教入曼荼羅登灌
頂壇受成佛印仰諮密要爰集
斯文庶永流行傳通不絕

右通仁王經疏五部一十二
卷疏義共同第一帙

論曰法師開元二十六年十九出家
洎乎明年登壇具戒博考經論關內
河東代曆

四朝弘宣妙旨綱紀興善保壽伽藍
并勸京都僧尼二衆春秋七十一僧
夏四十九以正元四年龍集戊辰五
月十四日遺誠門人二十一日時右
脅累足枕手帖然稱念彌陀卒于大
興善寺本院傳法之堂矣
僉定四分律疏十卷

謹案四分律者梵古曇無德秦言法
藏姚秦弘始五年壬寅之歲有罽賓
三藏佛陀邪舍秦言覺明諷出梵文
竺佛念筆受成四十五卷至十二年
歲次戊申支法領又從西國將梵本
來於長安中寺重校勘至十四年辛
亥譯畢沙門慧辯等筆受成六十一
卷今合爲六十卷後有道覆律師製

疏六卷北齊惠光律師造疏一百二十紙次有道雲律師修疏九卷次有道暉律師撰疏七卷洎隨朝法願律師裁疏十卷

我大唐龍興平一區宇四方無事三寶增明有智首律師述疏二十一卷次有惠滿律師造疏二十卷事各一時流通絕矣初

高祖神堯皇帝武德元年歲在戊寅
有相州日光寺法礪律師製疏至九
年景戌成就總分十卷宗依成實論
今稱舊疏是也洎

高宗天皇大帝咸亨元年歲在庚午
有西太原寺今稱西崇福寺也懷素
律師俗姓范氏撰開四分律宗記十

卷宗依根本說一切有部大毗婆沙
論俱舍論等今稱新疏是也至
代宗睿文孝武皇帝受佛付囑欽尚
釋門信重大乘尊崇密教見兩疏傳
授學者如林執見相朋數興違諍
聖慈愍念務息諍源使水乳無乖一
味和合洎大曆十三年歲在戊午十
一月二十七日乃遣中使內給事李

憲誠宣

勅語勾當京城諸寺觀修

功德使鎮軍大將軍右龍武軍將軍
知軍事兼試光祿卿上柱國彭城縣
開國伯劉崇訓四分律舊疏新疏宜
令臨壇大德如淨等即於安國寺律
院僉定一本流行是日也使司錄
勅傳牒兩街臨壇大德一十四人二
十九日平明盡集安國至三十日門

司趙鳳詮宣送食料 牒奉

勅語尚食局索壹阡貳伯陸拾人齋
食并果子解齋粥一事已上自副即
於安國寺供僧惠徹如淨勝行等壹
拾肆人併壹供送充九十日齋食用
謹牒又至十二月一日內給事李憲
誠宣奉 勅茶貳拾伍釧藤紙壹阡

張筆伍拾管墨伍挺充大德如淨等
僉定律疏用敬問諸大德等各得好
在否同日又命內給事李憲誠宣奉
勅語安國寺三綱僉定律疏院一切
僧俗輒不得入如違錄名奏來時天
長寺臨壇大德曇邃淨任寺崇叡西
明寺道邃安國寺寶意西明寺興此
安國寺神朗崇福寺超證安國寺智

釗薦福寺如淨青龍寺惟幹章敬寺
希照安國寺超濟保壽寺惠徹西明
寺圓照等既奉恩旨悚懼誠深進
退屏營陳表謝曰大安國寺僉定四
分律疏道場沙門曇邃等言伏奉中
使李憲誠宣
進上賜食料香茶及紙筆墨等充僉
定律疏食用者曇邃等早承聖澤叨

寓釋門不能修六和之宗垂於一味
之旨自天有命令使會同又賜珍饌
榮加紙墨微僧何幸天澤累霑捧
日無階荷戴何極伏願天威遠被俾
契戒宗用此微誠上資聖祚無任
悚懼之至謹附中使李憲誠奉表陳
謝以聞沙門曇邃等誠惶誠恐謹言

寶應元聖文武皇帝答曰

師等道著依經功超自覺承雪宮之
旨奧爲火宅之舟航四分律儀一乘
肩鍵須歸總會永息多門爰命有司
俾供資費馬鳴之製佇見裁成所謝
知同日京城釋門三學百大德等陳
表謝曰京城釋門衆大安國寺上座
沙門法鑾等言法鑾聞四河入海無

復餘名兩疏各陳須歸一實伏惟
寶應元聖文武皇帝陛下光啓法炬
廣闢玄關降九重非常之詔彌以
所用使四分戒寶之宗和而無諍仍
令就大安國寺修撰伏奉
聖恩賜香茶食料紙筆用光法侶寵
錫自天戴荷無地令會同一疏刊削
繁蕪失鵲蟬之相厄俾漁人之罔措

大周聖武皇帝御製

聖情若此雨施雲行恒沙釋子離我
相於法空千葉華王更新生於覺榮
無住慶賀之至謹附中使李憲誠奉
表陳謝以聞沙門法鑒誠歡誠躍謹言
寶應元聖文武皇帝批曰
師等宗師梵行領袖王城道祕真玄
功深戒律四分疏義匪異源流一貫

成章佇資編緝有司供備誠謂典常
也所謝知是時也將欲僉定共議司
存一十四人各知分位衆差大薦福
寺大德如淨筆削潤色僉定保壽寺
惠徹同筆削潤色僉定西明寺圓照
筆受正字僉定安國寺寶意筆受纂
文僉定沙門超濟筆受證義僉定淨
住寺崇叡西明寺道邃興泚天長寺

曇邃崇福寺超證安國寺神朗智釗
青龍寺惟幹章敬寺希照並同證義
僉定共議篇題名曰
勅僉定四分律疏卷第一卷內但名
四分律疏卷第一京城臨壇大德奉
詔定以此爲題也其日品官楊崇一
宣奉勅語興唐溫國兩寺三綱即
與淨土禪院檢校僧等嚴飾道場令

道行僧伍拾肆人起今月一日轉經
禮懺六時行道至來年二月一日散
設其齋糧香油茶藥一事已上令所
司祇供宜各精誠問師等好在否同
日右銀臺門司趙夏日宣牒奉
勅語尚食局索陸拾肆人齋食果盤
并粥米生料一事已上自副即與大

濟師計會供送興唐溫國兩寺淨土
院每日各依恒起今月二日供至來
年二月二日停謹牒是日也僉定四
分律疏大德十四人

恩命分赴兩寺道場奉爲

國家轉經行道其月五日品官楊崇
一宣奉勅語溫國寺檢校大德飛
錫專知念誦大德曇邃等好在否檢

校有勞也宜加精誠轉念行道晉爲
蒼生至十四年正月二十五日品宮
楊崇一又宣奉勅語溫國寺檢校
臨壇大德曇邃飛錫等好在否檢校
有勞其轉經及眞操律師誦經道場
宜延至二月十日散設齋至二十八
日中使內給事李憲誠宣奉

勅語溫國寺轉念道場四分律臨壇

大德等釋門三學以心印相傳無上
菩提戒學以爲根本道場畢日即宜
赴大安國寺製造疏成之後大道流
行至二月八日品官楊崇一宣奉
勅語大溫國寺檢校道場大德曇邃
飛錫等其道場宜取十日散設千僧
齋至十日散設天使行香大德五十

四人各縮三匹充觀也道場既畢慶
設復終大德相懽陳表謝曰沙門飛
錫等言飛錫聞金輪騰翥以十善化
人大聖用心以蒼生為念伏惟

陛下洞入微妙明德惟馨宣

詔命於祇園徵龍象於溫國隨年五
十四轉經千萬偈作禮金殿清齋玉
堂或升座諷甘露之文或旋遶動蓮

華之步大濟禪師每親法會執鑪虔
懇僧等沐浴 聖化奉荅

皇恩更蒙 天慈寵光法侶

御香玉帛戔戔列於梵宮寶饌金錢
霏霏下於淨土無任戴荷殊常之至
謹附中使楊崇一奉表陳謝以聞沙
門飛錫等誠歡誠慶謹言

寶應元聖文武皇帝荅曰 師等跡

託緇流修行妙教所錫齋觀用廣勝
因所謝知是日僉定四分律疏大德
等旣奉恩命各於齋後赴集安國
道場大德曇邃一人違限不至見到
大德狀上使司至二十二日
勅勾當京城諸寺觀修功德使滕律
大德崇勸等大安國寺奉勅僉定

律疏院牒得臨壇大德崇叡等狀稱
奉正月二十八日中使李憲誠宣
勅令道場畢日即宜赴大安國寺製
造者十四人中崇叡等一十三人當
日並到唯天長寺大德曇邃至今不
來都未製造日月延遲雖先已狀申仍
未赴集恐上下恠責遲申者得曇邃
狀忽然患心痛者曇邃律師旣患其

見到大德崇教律師一十三人等即准
勅修撰僉定訖上者故牒

大曆十四年二月二十二日牒

判官前壽州長史劉涉

使鎮軍大將軍行右龍武軍將軍劉
崇訓亦時諸大德先奉天恩又承
使牒一心精博探討律文二時焚香
兩上修撰新章有理義准新章舊疏

理長義依舊疏兩疏有據二義雙全
兩疏無憑別依經律研精覃思博考
毗尼日來月往不遑寧止至五月十
六日聖躬不豫勅下京城百寺開
講至二十一日其疏修撰功將欲半
寶應元聖文武皇帝奄弃萬國緇素
攀號遏密八音如喪考妣至二十三日

儲后欽承

遺制即大寶位至二十四日有

勅語崇訓爲先聖所開百座及修諸

功德宜一切依前檢校勾當至閏五

月二十五日勾當京城寺觀修功德

使劉崇訓奉表上聞請停京城修功

德使上覽所奏將爲至公尋於是

時乃宜墨制曰卿侍衛禁軍爪牙

重寄勤于夙夜職在徼巡釋教修行
與軍務全異天下寺觀兼在省司次
有府縣監臨不宜別爲使目覽卿陳
奏深謂至公所請停京城修功德使
者宜依應緣使下職掌等並停是日
宣付所司日勅旨內外功德使宜並
停自此僧尼悉屬祠部僉定律疏事
亦同歸省司催驅得憑聞奏至大曆

十五年歲次庚申正月一日奉冊今
上聖神文武皇帝尊號改爲建中元
年至五月十六日巳卯修草本畢洎
六月甲午朔又與諸大德起初檢勘
至十五日戊申令沙門圓照起首依
國子學大曆新定字樣勅寫進本每
紙二十四行每行二十五字至七月

癸亥朔二十八日庚寅初校草本訖
至十月辛卯朔三日癸巳繕寫進本
畢分成十卷用紙五百六十六張計
文叁拾叁萬壹伯肆言又至十一月
辛酉朔七日丁卯復與諸大德起首
再三刊定對草本進本副本檢勘至
二十七日僉定訖至十二月辛卯朔
十二日隨狀送上祠部大安國寺奉

勅僉定四分律疏院

請進新僉定四分律疏本十卷

右如淨等伏奉大曆十三年十

一月二十七日

勅四分律舊疏新疏令僉定一本流

行者但如淨等德業無取輪桶常才

濫蒙先朝揀參刪定執筆覃思一

文三覆俾晝作夜以月繼時自去年

大唐正元續開元釋教錄卷中

二月二十二日起首至今建中元年
五月十六日畢功共諸大德再三校
勘繕寫云畢據先兩本疏分新舊今合
成一家根其關節勒成五百六十六
紙分爲十卷上副代宗同文之
詔中扶律藏減諱之理下成後學兼
功之益實冀永爲模楷謹連元勅曰

如前請乞奏聞伏聽

進旨是日員外郎房由判具舊疏新
疏意狀過者至建中二年正月十三
日狀上祠部大安國寺奉勅僉定
四分律疏院請進新僉定四分律疏

本十卷

五百六十六紙成一部
釋四分律一部六十卷

右奉制具舊疏新疏意過者伏以
釋教持護事在律儀本文難明以

新定四分律疏拾卷

疏解義今如淨惠徹等商量若舊
疏理長義依舊疏新章有理義准
新章兩疏有文雙全兩義謹錄狀
上請處分時祠部表奏制下流行

右祠部奏得安國寺僧如淨等
狀稱去大曆十三年十二月二
十七日內給事李憲誠宣口勅

大清聖朝開元無疆

第三

世

令於當寺律院僉定前件律疏
今修定已畢請聞奏者伏以釋
教精微言說罕究舊疏兩本文
字已多今之所修又相沿習既
准勅所撰須有指揮伏請許
以並行任其學者所好

勅旨宜付所司

建中二年二月二十二日

太尉兼中書令尚父汾陽郡王

假

中書侍郎同平章事臣楊炎宣

銀青光祿大夫行中書舍人兼禮部侍郎

史館修撰上柱國臣于邵奉行

奉

勅旨如右牒到奉行

建中二年二月二十五日

侍中闕

門下侍郎同平章事臣盧杞

給事中臣班宏

二月二十五日時都事

直官權判兵部員外郎盧端

祠部

縣安國寺僉定律疏院

僉定筆削潤色安國寺臨壇大德如淨

同僉定筆削潤色保壽主臨壇大德惠徹

同 僉 定 筆 受 正 字 西 明 寺 臨 壇 大 德 圓 照

同 僉 定 筆 受 纂 文 安 國 寺 臨 壇 大 德 寶 意

同 僉 定 筆 受 證 義 安 國 寺 臨 壇 大 德 超 濟

同 僉 定 證 義 淨 住 寺 臨 壇 大 德 崇 敬

同 僉 定 證 義 西 明 寺 臨 壇 大 德 道 遠

同 僉 定 證 義 西 明 寺 臨 壇 大 德 興 汎

同 僉 定 證 義 章 敬 寺 臨 壇 大 德 普 震

替 量 遠 死 關

同僉定證義崇福寺臨壇大德超證

同僉定證義安國寺臨壇大德智釗

同僉定證義青龍寺臨壇大德惟幹

同僉定證義安國寺臨壇大德藏用

替希照死關

同僉定證義安國寺臨壇大德勝行

替神明死關

牒奉 勅如右者得前件臨壇大德

如淨等狀所僉定律疏奉 勅律疏

三本許以並行任其學者所好謹具

僉定律疏大德名如前伏望准
勅牒律院庶光後葉者謹檢効文用
者准狀牒僉定律疏院者牒至准
勅故牒

建中二年二月二十六日令史申屠琮牒

主事李麟

負外郎房田

大乘理趣六波羅蜜多經疏十卷

唐正元五年歲在己巳七月一日西
明寺主沙門良秀等言去年十一月
二十八日右街功德使王希遷奉宣
進旨令良秀等修撰新翻譯大乘理
趣六波羅蜜經疏者良秀等聞至道
同源聖人一貫大雄示相演妙音於
獨園寶位分身霈湛恩於雙闕

開佛日於聖日降 絲綸於法輪所
以弘化慈航致仁壽域不然豈握
真符而契合應休運以感通良秀等
伏以此經如來之密印群生之度門
得白馬之寶函啓青龍之祕藏是第
一義諦理去筌蹄於最後乘說無分
別加以 天文煥發 睿思照回七真
如契心已闡微於釋氏般若製序諒

續文於 代宗慈雲溥潤於大根
湛露垂陰於貝葉良秀等材惟末學
性異生知謬寄討論伏增頊越上承
嚴旨徒側管以窺天庑奉本師懼升
堂而鼓瑟所修撰六波羅蜜經疏一
部十卷謹附右街功德使王希遷隨
表奉進伏乞 聖慈許令同修疏義
沙門談延於當寺讚演及流布中外

所冀落落真言示丹青於新學明明
像教流粉澤於將來良秀等誠兢誠
懇載惶載惕謹言當是時也

上覽表章兼修疏義乃勅內給事

毛瑛琦宜慰日奉勅造疏僧良秀

談延道弘等宜共賜綰玖拾疋至宜
領取比修疏義甚大勤勞也秋熱敬

問師等各得平安好在廣如續譯經
圖紀下卷中說

大乘理趣六波羅蜜多經疏十卷

右今年四月十五日少監馬欽

淑奉宣進旨令超悟於千福

寺講新譯大乘理趣六波羅蜜

多經兼令修疏者伏以

聖言玄遠至道弘深鬱而未明

多歷年代陛下至德廣被感而
遂應豈如來祕印俟元聖而方
傳將天人合符偶 盛時而同
化微僧何幸獲奉嘉言謹詳具
宗因參考句義各爲科例分別
條流共爲十卷超悟年將朽邁
學義荒蕪雖刺血粉身喜於講
授而負山酌海懼不堪任謹詣

大德正元續開元錄卷中 第五十六 世

右銀臺門奉進以聞輕黷

聖聰伏深戰越謹進

正元五年七月十五日醴泉

寺沙門超悟等狀進

聖神文武皇帝批曰

大乘真經旨趣微妙師夙推上智深
達教源翻譯就功宗因乃立是寶章

疏用廣筌蹄欲使後學知歸衆生易
度餘炎未退修著當勤載省科條兼
詳體要發揮旣備嘉歎良深是日內
府局令馮幼昇奉宣勅旨語超悟
師等自夏徂秋所修義疏甚大勤勞
也秋熱師等好在否同日少監馬欽
淑奉宣勅旨修疏僧超悟宜賜絹
五十疋衣一副同修疏僧少良齊暹

各賜絹二十疋仍令大盈庫分付是
日也僧等修表陳謝上聞沙門超悟
言超悟伏以今日奉進六波羅蜜多經
疏中使馮幼昇奉宣進旨賜超悟絹
五十疋僧衣一副少良等各賜絹二十
疋捧戴兢惕誠躍誠歡超悟聞遇深
道淺有識知慙賞重効微無願以措
伏惟 陛下道遵釋典理達色空以

微僧忝跡釋流早專經論勤修義疏
演此妙音徒肆探賾之勤豈測精玄
之旨聖恩曲被賜資荐臻煥乎縑
緇出於御府霈然渥澤榮此緇門恩
當一時名茂千古循涯揣分上荅無
階異崇講習之功願助山河之福無
任感戴之至謹附中使馮幼昇奉表

陳謝以聞沙門超悟誠惶誠恐謹言
又於是日修表上聞請置新經院額
并請抽僧講習住持有闕續填望爲
恒式聖恩允許所請皆依至十九
日中書門下頒宣制曰醴泉寺西北
角本住院一所請爲國置六波羅蜜
經院兼請抽僧七人常令講習
右沙門超悟奏伏奉去年四月

十九日詔令與僧般若等詳譯
此經又續奉進旨於千福寺講
讚兼修義疏今已繕寫奉進訖
伏以經義精深必資開示學徒
聽習須有指歸今請置六波羅
蜜經院仍抽有義行僧七人常
令講誦有關續填乞賜名額庶
得弘宣春旨演暢真宗如聖恩

太唐正元續開元錄卷中

第廿八

卅字

允許請宣付所司

勅旨依奏

正元五年七月十九日

太尉兼中書令日晟

宣

中書侍郎同平章事日實奏奉

中書舍人行

奉

勅旨如右牒到奉行

正元五年七月二十日

司徒兼侍中馬燧

門下侍郎同平章事董晉

給事中鄭雲述

祠部牒

醴泉寺大德超悟法師

牒奉中書門下 勅如右牒至准

勅故牒

正元五年七月二十八日令史趙業牒

主事張曇

主客員外郎裴佖

箋云又進狀曰翰林使內給事張孝
順奉宣 勅旨語大德超悟法師所
請院額至今月二十三日於右銀臺
門迎候至是日也鼓聲纔發陳列威

大唐正元續開元錄教錄中卷

嚴飾寶車幡華法事絃車音樂詣銀
臺門鼓響連天笙簫合韻御牀內出
遙望子亭中使內給事張孝順奉宣
勅旨語大德超悟法師所請額者以
六波羅蜜經院爲名至宜領取僧等
瞻仰作禮歡喜徧身頂戴遷於寶車
安置於是教坊使內常侍李嘉興命

簫韶內教陳六樂以導前法事威儀
繼八音而列次伏覩

御札題額乾象垂形虎踞龍蹲虵驚
鳳舞翔鳥瑞鵲無以等其神戲海群
鴻不足方其聖萬姓瞻睹五衆爭馳
車馬駢闐觀斯勝美兩兩相謂慶此
嘉祥咸言善哉我皇至聖欽崇佛教
雅尚釋門去歲翻經今年製疏特賜

名額垂軌千齡劫石有窮斯跡無盡
出於廣孝巡遶 皇城巳午之間至
醴泉寺尔乃僧尼畢萃供設無遮食
訖簫韶歡娛竟日僧等得未曾有渥
澤荐臻捧戴屏營又陳表謝曰沙門
超悟言伏見今月二十三日中使張
孝順奉
宣進言賜超悟所居院御書院額爲

大唐正元續開元針藥中 第五

世

六波羅蜜經院特迴宸眷載錫嘉各
捧荷殊私誠歡誠喜伏以此經久祕
曠代未傳大道將興膺期而啓
陛下聖心懸解已序真宗 眷藻彰
施更揮仙翰瑞鵲徘徊於金榜翔鳥
照曜於蓮宮誠天人之所護持亦
帝王之所宗極微僧何幸屢荷

天休唯以佛乘上延

聖曆不勝感戴之至謹詣右銀臺門
奉表陳謝以聞沙門超悟誠惶誠恐
謹言

正元五年七月二十四日醴泉寺沙門超悟表

大乘理趣六波羅蜜多經疏十卷

各分上下以
爲二十卷

大乘理趣六波羅蜜多經疏義例訣一卷

大乘理趣六波羅蜜多經疏義目一卷

沙門智通等言伏奉四月十五日少
監馬欽淑特宣

聖旨令僧道岸智通修新譯大乘理
趣六波羅蜜經疏義進來者智通聞
聖人隱跡有跡所以明功至道忘言
立言所以垂教言之不惑三極寧聞
於兩致跡之不殊萬緣同歸於一貫
伏惟

皇帝陛下執大象以膺曆數乘飛龍
以統乾元闢天衢以啓時法御而
垂化是用因時演教順化行政使僑
釋交備內外兼崇合爲化源大拯
庶苟有叶於皇極事無滯於嚮方大
矣哉天下慶幸智通等誠懽誠喜載
欣載躍智通等識謝時賢學慚緇侶

竊陪師訓諫齒討論媿無入室之能
多謝專門之奧不謂 皇恩降鑒言
課虛無承命之時恍然自失含毫之
際愀尔何施砒銛錫而難工扣寂寞而
無得伏賴譯經首序菁藻裁成按編
簡以闡微撫梵言而窮奧暢大乘之
妙旨廣解脫之真宗琛若珪璋明同
日月智通等所以童蒙暫發迷誤潛

祛得奉 恩私勒成疏義然以力微
易屈智劣難周徒用管窺豈窮於廣
大亦同螺挹莫究於津涯無酬寵待
之恩更成殘陋之罪智通等誠惶
誠恐死罪死罪謹隨表奉進智通等
伏以義文浩博塵黷 天聰經疏交
叅昧諸始學輒循往轍式備成文謹
述疏義例訣目錄各一卷隨疏二十卷

以聞伏增戰越沙門智通等誠惶誠
恐載兢載懼謹言

正元五年九月八日章敬寺奉詔
修疏沙門智通等上表

同修疏沙門道岸

今時進疏入內上覽表章僧等瞻望
闕庭屏營悚懼至十六日天澤下露

錫賚縑紵乃頒 詔曰 勅綃玖拾
匹宜賜章敬寺修疏僧智通等至宜
領取比修撰疏多勞也秋冷敬問師
等各得平安好

正元五年九月十六日特進左監
門衛大將軍竇文場宣

是日也既蒙錫賚慰及殷勤悚戴慚
惶修表陳謝因請准例置院抽僧永

具傳燈福資

聖壽文曰沙門智通等言伏奉今日
左街功德使竇文場宣

聖恩賜智通等綃玖拾匹者智通等
捧跪慚惶仰戴慙慄願茲淺陋降殊
賚於高天豈彼微功荷縑緙於王
府智通等誠惶誠恐誠喜誠懼伏惟
皇帝陛下作人父母同佛知見務弘

大唐正元續開元錄卷中

至化允叶大猷爰崇不二之門以彌
無爲之理旣用翻經演布又令修疏
發明懸智炬以擊蒙假慈航而利涉
是謂光揚覺路導達迷津溥天率土咸
宜感戴智通等敢不祗稟睿謀昭宣
法要幸叨宸睠疏彼新經庶得上奉
皇綱永傳佛印無任歡慶抃躍之至

伏以聖教發揮要當弘益旣成疏義
亦在敷揚准醴泉寺翻經造疏沙門
超悟置院傳經例伏望

天慈許以一寺一院充大乘理趣經
院乞賜題額仍擇有道行僧七人同

崇講誦有關續填庶保無疆之福上資

聖壽立言之教下拯群迷謹附左街
功德使竇文場奉表陳謝申請以聞

沙門智通等誠惶誠恐載兢載懼謹言

正元五年九月十六日章敬寺奉

詔修疏沙門智通等表上

論曰自佛日西遷法輪東轉捐軀奉

法翻譯殊高其次義解鉤深探賾索

隱今賁真淨迺等即其人焉賁真淨

迺往代翻經聲高

帝里秀悟今朝傳譯異域欽風皆述

疏弘揚文詞婉麗性相偕美千古彌
芳豈謂藤鼠交侵已從物化通上人
外博九流內窮八藏別承恩旨翼
贊新經義等連環文同貫玉探幽析
理覃思研精可謂五百年中之閒生
矣八十六卷正元新集古今制令碑
表記錄高宗置京師西明寺制令集

二卷

碑記附見

右沙門圓照謹依

元勅本次集出之

京師西明寺錄三卷

釋氏道宣感通記一卷

關中創立戒壇圖經一卷

右終南山故大德西明寺上座

沙門釋氏道宣律師修述共
三部五卷未入一切經藏今請
編入目錄

中宗

睿宗

玄宗

釋氏系錄一卷

右謚大慧禪師沙門一行開元

中奉

勅修撰已編入史總有四條一

綱維塔寺二說法百歸三坐禪修證

四三衣於中齋法附見然未入一切

經藏今請編入目錄

故金剛智三藏行記一卷

右灌頂弟子正議大夫行中

書舍人侍皇太子諸王文章

集賢院學士呂向敬師三藏

因而紀之今請編入目錄

東京大廣福寺金剛三藏塔銘并序

右混倫翁撰并書洎

先朝贈開府儀同三司謚大

弘教三藏如前卷及後大廣

智三藏本集中廣說

右已上七部共十卷同爲第一帙

大唐安國大法師釋利涉紀傳十卷

右左監門衛率府錄事參軍趙

克勛字僕修請編入目錄

右一部十卷同第二帙

景雲先天開元天寶誥制集三卷

碑表狀
附見

右沙門圓照謹依年代次而述之

肅宗制旨碑表集一卷

代宗制旨碑表集一卷

贈司空大辯正廣智不空三藏碑表集七卷

右四部共十二卷同為第三帙

大唐載修隋故傳法高僧德行禪師

塔碑表集五卷

翻經臨壇大德西明安國兩寺上座

乘如集三卷

右二部八卷並於佛法弘護

今上

義深事出一時利益永代或
錄表上達或

制下施行

主聖臣忠匡持像教圓照不
揆庸陋輕叙徽猷謹依年
辰及以月日洎乎

朝代次而述之

修撰僉定四分律疏制表集一卷

般若三藏續古今翻譯經圖紀二卷

右四部共十一卷同為第四帙

大乘理趣六波羅蜜多經音義二卷

三教法王存歿年代本記三卷

上卷佛 中卷道
下卷儒 或分三

翻經太德翰林待

詔光宅寺沙門利言集二卷

翻經太德西明寺上座賜紫沙門良秀集一卷

右四部共九卷同為第五帙

僧寶道具讚六十首一卷

右朝散大夫守太子詹事

賜紫金魚袋致仕魯國郡

昂字高卿撰文出中集第

二十一卷時爲退朝多暇

德殿西廊下有章敬寺禪

行大德道澄莊嚴寺大慧

總持寺藏山及三教談論
大德談延等一十一人奉對
殿下心地法門義已微僧圓
照面奉 令旨問律家判方

判方等道場欲受近圓沙彌懺悔滅罪
辯瑞相記一卷

釋氏五部律翻譯年代傳授人記一卷

右去四月十九日

皇帝降誕之辰在內道場東
面及前一日退食之餘在麟
來詣僧房與大安國寺超
濟律師同是鄉人示斯述作
兼題院讚以示將來

載修釋迦牟尼佛法王本記一卷

大聖釋迦牟尼佛現八相身利益天人
成正覺記一卷

等沙門戒相及五部律文句
多少并福田袈裟法服之
衣羯磨所以令修集進來
者伏以識性鴛銚學業荒
蕪濫跡緇流四十二夏或
臨壇講律或製疏翻經殊
未能精通有所尅獲伏惟

殿下自天降生受佛付囑
朝覲之暇遊心釋門問五
部律儀判方等戒相羯磨
授法持護之由將欲延正
法壽命趣無上菩提崇天
人善因證無爲解脫謹依
經律論修成三卷隨啓上
聞輕冒威嚴伏希詳覽謹啓

正元九年八月二十三日臨

壇翻經西明寺沙門圓照上啓

新修大莊嚴寺本師釋迦牟尼佛牙

寶塔記三卷

聖朝無憂王寺大聖釋迦牟尼佛真

身舍利塔記三卷

右佛法性身湛然常住爲化

六趣示說三身於化身中八

大唐正元續開元錄卷中

相成道現有圓寂全身碎身
導引四生廣興利益伏見大
莊嚴寺佛牙及無憂王寺真
身舍利者即大聖釋迦牟尼
佛全軀碎質也年逾千祀堅潤
殊常緇素虔恭往來瞻禮光化
異相難以備陳伏惟

陛下受佛付囑弘獎釋門欽奉
眞乘特崇寶塔高標輪奐
光映古今微僧不才謹述其記
庶傳盛跡垂訓千秋具錄根由
各撰三卷并釋經圖記二卷並
已成就伏願上資聖壽永福無
疆四海長清萬方一德謹隨狀
陳進以聞輕冒

天威伏聽

聖旨沙門圓照誠惶誠恐謹准
正元十年四月十九日西明寺
翻經臨壇沙門圓照狀進
右七部十一卷同第六帙

唐朝傳法三學大德碑記集二十五卷
建中興元正元制旨釋門表奏集二卷
御題章敬寺詩太子百寮奉和詩集三卷

大唐正元續開元錄卷中

第四

世字号

木

大唐正元續開元釋教錄三卷

上卷續經中卷疏
記集下卷入藏錄

右四部共二十三卷分為第七第

八帙

右正元新集總二十九部

除目錄共八十六卷或

先朝制旨或

今上洪恩皆獎勸釋門使

修梵行福利家國普及有
情伏以開元十八年歲在
庚午沙門智昇修撰釋教
錄洎今甲戌又經六十五
年中間三藏翻經藏內並
無收管恐年代浸遠人疑
僞經又
先聖大曆七年許編入錄

制文如上宣示流行圓照
素無藝能不揆愚拙謹隨
聞見勵已書之錄成三卷
伏冀

聖祚遐長福延萬葉文武
百辟盡孝盡忠三寶永興
遠安邇肅如

聖恩允許伏乞宣布流行

輕冒

大威伏深戰越謹進

正元十年十二月二十五日

翻經臨壇西明寺沙門圓

照狀進

大唐正元續開元釋教錄卷中

大唐正元續開元釋教錄卷中

大正元續元開釋教錄卷下

製錄

以上缺一葉

首自序云介

大唐正元續開元釋教錄三卷

上卷翻經
中卷疏記
下卷八藏
即此卷是

甲戌歲西明寺翻經臨壇沙門圓照

撰上

四朝應制所譯經及念誦法并
修疏記碑表錄集等總三百九
十一卷

二百四十二卷經論及念誦法

六十四卷經律疏義

八十六卷正元新集古今制詔

碑表記錄

後二件尋本未獲故不入

今計部秩數中

金剛頂瑜伽中略出念誦法四卷

亦六經

八十紙

右上一部乃

玄宗朝金剛智

三藏所譯洎代宗追贈開府儀

同三司謚大弘教三藏其經已

編入開元錄中故此不載時代

相次恐成誤收故略序尔

金剛恐怖集會方廣軌儀

觀自在菩薩三世最

勝心明王經一卷

二十二紙

右上一部乃

玄宗朝已有翻

譯繕寫流行然未見於開元錄

中收附今詳下文不空譯中有

觀自在菩薩三世最勝心明王

經一卷亦二十二紙名題小注
中亦云金剛恐怖集會方廣軌
儀名即全半有殊文乃上下無
別既下有本恐成重雜故此序
亦續錄不至分明辯矣

下有三計列經卷部時代別矣

一計一十卷 玄宗朝後遺漏今始入錄

一計一百四十卷 代宗朝奏新編入錄

一計九十卷德宗朝續翻入錄
總有二百四十二卷并續錄三卷
見行入藏如左

大烏樞瑟摩明王經三卷或二卷 四十六紙

穢跡金剛說神通大滿陀羅尼法 術靈要門一卷 四紙

穢跡金剛禁百變法一卷 三紙

右已上三部共五卷北天竺國

三藏阿質達霰唐言無能勝將所翻

普徧智藏般若波羅蜜多心經一卷 二紙

右上一部東天竺沙門達摩戰

濕羅唐言法月所譯

金剛頂經瑜伽修習毗盧遮那三摩地法卷十紙

千手千眼觀世音菩薩大身咒本一卷 二紙

千手千眼觀世音菩薩廣大圓滿無礙大悲心陀羅尼咒本一卷三紙

不動使者陀羅尼祕法一卷 十二紙

右上四部四卷南天竺國三藏沙
門金剛智所譯

右已上八部六卷同第一秩

右上八部十卷並開元錄中遺
漏未編入古今錄中故此收尔
代宗大曆七年特進試鴻臚卿
大興善寺大廣智不空奏玄宗
肅宗今上三朝已來所翻譯

經論總七十六部共一百四十卷

并都目一卷具列如右

金剛頂瑜伽真實大教王經三卷

經內題云金剛頂一切如

來真實攝大乘現證大教王經

四十三紙

金剛頂瑜伽般若理趣經一卷

經內題云大樂金剛不空真實三摩

耶經般若波羅蜜多理趣品

八紙

觀自在菩薩授記經一卷

經內題云佛說大方廣曼殊室利經觀自

在菩薩授記
品第三十一

十二紙

瑜伽念珠經一卷

經內題云金剛頂瑜伽念珠經於十萬廣頌中略出

二紙

奇特佛頂經三卷

經內題云一字奇特佛頂經現威德品

六十一紙

觀自在菩薩最勝明王心經一卷

經內題云金剛恐怖集會

方廣軌儀觀自在菩薩三世最勝心王經序品第一

二十二紙

右六部共十卷經同第一袂

金剛頂瑜伽文殊師利菩薩經一卷

經內題云法一品亦

名五字呪法

二紙

阿剌多羅阿嚕力經一卷

經內題云阿剌多羅陀羅尼阿嚕力

品第十四

二十一紙

普賢行願讚一卷

五紙

地藏菩薩問法身讚一卷

經內題云百千頌大集經地藏菩薩

請問法身讚

五紙

出生無邊門經一卷

經內題云出生無邊門陀羅尼經

十紙

大吉祥天女經一卷

經內題云佛說大吉祥天女十二契

七紙

一百八名無垢大乘經

底哩三昧耶一卷

經內題云底哩三昧耶不動使者念誦品

十四紙

十一面觀自在菩薩經三卷

經內題云十一面觀自在

菩薩心密言儀軌經

二十四紙

右八部經法共十卷同第二秩

吉祥天女十二名號經一卷

二紙

金剛頂瑜伽十八會指歸一卷

經內略無十八會字

九紙

金剛頂瑜伽三十七尊分別聖位法門一卷

并序經中

云修證
法門序

菩提場所說一字頂輪王經五卷

十三紙

寶貝誼經一卷

經內題云一切如來心秘密
全身舍利寶蓋印陀羅尼經

六紙

金剛壽命陀羅尼經一卷

經內題云一切如來
金剛壽命陀羅尼經

二紙

右六部經共十卷同第三秩

大孔雀明王經三卷

經內題云佛母大孔雀明王
經初有啓請法在上卷經前

五紙

大雲輪請雨經二卷

經內題云大
雲輪請雨經

二十四紙

雨寶陀羅尼經一卷

經內題中加
佛說雨字

五紙

穰麀黎童女經一卷

經內題中亦加佛說字

四紙

稻蕪喻經一卷

經內題云慈氏菩薩所說大乘緣生稻蕪喻經

八紙

大寶廣博樓閣經三卷

經內題云大寶廣博樓閣善住祕密

陀羅尼經

四十五紙

右六部經一十一卷同第四秩

菩提場莊嚴經一卷

經內題云菩提場莊嚴陀羅尼經

二十二紙

除一切疾病陀羅尼經一卷

一紙

能淨一切眼陀羅尼經一卷

經內題云能淨一切眼疾病陀羅尼經

一紙

施焰口餓鬼陀羅尼經一卷

經內題云佛說救拔焰口餓鬼陀羅尼經

四紙

三十五佛名經一卷

經內題云佛說三十五佛名禮懺文出烏波離所問經

二紙

八大菩薩曼荼羅經一卷

三紙

葉衣觀自在菩薩陀羅尼經一卷

經內略無陀羅尼字 紙

訶利帝母經一卷

經內題云訶利帝母真言法

三紙

毗沙門天王經一卷

四紙

觀自在菩薩說普賢陀羅尼經一卷

七紙

右十部共十卷同第五秩

文殊問字母品經一卷

三紙

金剛頂蓮華部心念誦法卷

經內題云念誦儀軌

二十三紙

金剛頂瑜伽千手千眼觀自在念誦法一卷

或二卷經內題云菩薩修行儀軌

二十八紙

無量壽如來念誦儀軌一卷

經內云修觀行供養儀軌

十二紙

阿閼如來念誦法一卷

經內題云念誦供養法

十紙

佛頂尊勝念誦法卷

經內云佛頂尊勝陀羅尼念誦儀軌

紙

金剛頂勝初瑜伽普賢菩薩念誦法卷十紙

金剛王菩薩念誦法一卷經內云秘密十二紙

普賢金剛薩埵念誦法一卷經內云瑜伽十二紙

金剛頂瑜伽五秘密修行儀軌一卷經內云金剛薩埵五

秘密修行
念誦儀軌十二紙

右十部儀法共十卷同第六秩

金剛壽命念誦法卷經內云陀羅尼念誦法三紙

一字頂輪王瑜伽經一卷經內題云瑜伽賢迦訖沙囉烏瑟尼沙研

訖囉真言安怛陀那儀
則一字頂輪王瑜伽經

六紙

一字佛頂輪王念誦儀軌一卷

經內無十紙
佛字

仁王般若念誦法一卷

七紙

如意輪念誦法一卷

經內大觀自在如意輪菩薩念誦法紙

大虛空藏菩薩念誦法一卷

五紙

瑜伽蓮華部念誦法一卷

七紙

聖觀自在菩薩心真言觀行儀軌一卷

經內六瑜伽
觀行儀軌

六紙

觀自在多羅瑜伽念誦法一卷

經內六金剛
頂經多羅菩薩

薩念誦法

十三紙

甘露軍吒利瑜伽念誦法一卷

經內云甘露
軍吒利菩薩

供養念誦
成就儀軌

六紙

右十部經法共十卷同第七秩

華嚴入法界品四十二字觀門一卷

經內
題云

大方廣佛
華嚴經

六紙

文殊讚法身禮一卷

經內題云大聖文殊師利菩薩讚佛法身禮并序

三紙

受菩提心戒儀一卷

經內題云最上乘教受戒儀

二紙

金剛頂瑜伽三十七尊禮一卷

經內題云金剛頂經金剛界大造場

比毗盧遮那如來自受用身內證智眷屬

四紙

般若理趣經釋二卷

經內題云大樂金剛不空真實三昧邪經般若波羅

蜜多理趣釋

三十三紙

大曼荼羅十七尊釋一卷

經內題云般若波羅蜜多理趣經大

安樂不空三昧邪真實金剛菩薩等一十七聖大曼荼羅義述

三紙

金剛頂瑜伽護摩儀一卷

八紙

都部陀羅尼目一卷

經內題云陀羅尼門諸部要目

四紙

大乘緣生論一卷

經內題云聖者鬱楞迦造

十紙

七俱胝佛母陀羅尼經卷

經內題云七俱胝佛所說准提陀羅尼經

十九紙

右十部經論法共十一卷同第八秩

大虛空藏菩薩所問經八卷

或云大集

一百七紙

右一部經八卷同第九秩

仁王經二卷

經內題云仁王護國般若波羅蜜多經并御製序

三十五紙

密嚴經三卷

經內題云大乘密嚴經并御製序

五十一紙

仁王念誦儀軌卷

經內題云仁王護國般若波羅蜜多經陀羅尼念誦儀軌

十九紙

右已上經等並出大曆七年正月十六日

代宗勅下流行目中宜編入一切經

目錄次後續譯進上具件如後

大聖文殊師利菩薩

佛刹功德莊嚴經三卷

五十一紙

成就妙法蓮華經王

瑜伽觀智儀軌一卷

二十五紙

右通前仁王等經總五部共十卷同第十秩

金剛頂勝初瑜伽經中略出大樂金剛薩十紙

大樂金剛薩埵修行成就儀軌卷出吉祥勝初十五紙

大樂文歡喜母并愛子成就法卷亦名訶哩底母法十一紙

並目徧光明大隨求陀羅尼經二卷經內題云普徧光明清淨

熾盛如意印心無能勝三十二紙

金剛頂超勝三界說文殊五字真三昧勝相卷二紙

五字陀羅尼頌一卷八紙

聖閻曼德迦威怒王立成大神驗念誦法卷十紙

文殊師利菩薩根本大教王金翅鳥王品一卷 十紙

不空羅索毗盧遮那佛大灌頂光真言一卷出不二紙

右九部經法共十卷同第十帙

聖迦提忍怒金剛童子菩薩成就儀軌經三卷

四十八紙

太威怒烏菟濕摩儀軌一卷

十紙

佛說摩利支天經一卷

四紙

金剛頂經一字頂輪王

瑜伽一切時處念誦成佛儀軌一卷

八紙

佛為優填王說王法政論經一卷

九紙

大方廣如來藏經一卷

十八紙

佛說一長尊陀羅尼經一卷

十四紙

速疾立驗摩醯首羅天

說迦婁羅阿尾奢法一卷

六紙

右八部經法共十卷同第十二帙

大目經略攝念誦隨行法一卷

亦名五支略念誦要行法

二紙

大毗盧遮那成佛神變加持經

略示七支念誦隨行法一卷

三紙

木槌經一卷

一紙

金剛頂瑜伽文殊師利菩薩

儀軌供養法二品亦名文殊五字念誦并梵字

七紙

曼殊室利童子菩薩五字瑜伽法卷

并梵字

二紙

金剛頂降三世大儀軌一卷

經內題云金剛頂降三世大儀軌法王教

中觀自在菩薩心真言一切如來蓮華大曼荼羅品

四紙

文殊師利菩薩及諸仙所說

吉凶時日善惡宿曜經二卷

上下卷共四紙

金剛頂經觀自在王如來修行法一卷

六紙

金剛頂瑜伽中

發阿耨多羅三藐三菩提心論一卷亦名瑜伽總持教門說菩提心觀行修持儀

七紙

大唐正元續開元錄卷下

第十

世

右九部經論法共十卷同第十三帙

瑜伽金剛頂經釋字母品一卷

二紙

修習般若波羅蜜菩薩

觀行念誦儀軌一卷

七紙

仁王般若陀羅尼釋一卷

七紙

觀自在大悲成就瑜伽蓮華部

念誦法門一卷亦名成就

大悲觀自在

十二紙

佛說大孔雀明王畫像壇場儀軌卷

四紙

金剛手光明灌頂經

最勝立印聖無動尊大威
怒王念誦儀軌法品一卷
十紙

未利支提婆婆華鬘經一卷

十一紙

大聖天歡喜雙身毗那夜迦法一卷

三紙

觀自在菩薩如意輸瑜伽一卷

九紙

金輪王佛頂要略念誦法一卷

三紙

金剛瑜伽降三世成就極深密門一卷

三紙

右十一部經法共十一卷同第十四帙

德宗朝正元四年歲次戊辰所翻經

總玖拾壹卷如左

大乘理趣六波羅蜜多經十卷

一百六紙

大華嚴長者問那羅延力經一卷

二紙

般若波羅蜜多心經一卷

二紙

右上三部乃剎賓國沙門般若與沙

門利言等奉

詔譯

右三部經共十二卷同一帙

新譯大方廣佛華嚴經一部四十卷 六百五紙

大唐正元續開元錄卷下

第五張

世字号

右上一部四十卷四帙

劉賓國三藏沙門般若與沙門利言等譯

十力經一卷

三紙

迴向輪經一卷

四紙

十地經一部九卷

一百二十紙

右上一部二十一卷同一帙于闐三藏沙

門尸羅達摩共安西三藏勿提犀魚

等於北庭譯

守護國界陀羅尼經一部十卷 一百五十五紙

右上一部十卷刻賓國三藏沙門般若

共千尼室利三藏等

共譯一帙

本生心地觀經一部八卷 一百五十紙

右上一部刻賓國三藏沙門般若共利

言等譯 一帙

千鉢文殊經一部十卷 一百七十紙

右上一部十卷三藏沙門不空共弟子

同譯 一帙

六十四卷經律疏義

代宗朝

新載譯仁王護國般若波羅蜜多經疏三卷

右翻經大德青龍寺沙門良貴奉

勅撰

大集大虛空藏菩薩所問經疏四卷

大唐正元續開元錄卷下

第廿二

聖字

大聖文殊師利菩薩佛刹功德莊嚴經疏三卷

發菩提心義一卷

六紙

發菩提心戒一卷

并三聚淨戒
及十善法戒

共十二紙

右四部共九卷並翻經講論大德大興

善寺沙門潛真奉

勅撰

右通仁王經疏共十二卷同第一帙

金定四分律疏十卷

右京城臨壇大德如淨惠徹等二十

四人奉

代宗大曆十三年十一月二

十七日

勅於大安國寺戒律院僉定至

今上建中二年二月二十二日修撰訖

進上

制下流行

右律疏一部十卷

第廿一

大乘理趣六波羅蜜多經疏十卷

右翻經大德西明寺沙門良秀等奉

勅撰

右經疏一部十卷第三帙

又大乘理趣六波羅蜜多經疏十卷

右翻經大德醴泉寺沙門超悟等奉

勅撰

右經疏一部十卷同第四帙

大唐正元續開元錄卷下 第十三世

又大乘理趣六波羅蜜多經疏十卷

名分上下
成二十卷

大乘理趣六波羅蜜多經疏例訣一卷

大乘理趣六波羅蜜多經疏義目一卷

右翻經大德光宅寺沙門道岸章敬

寺大德沙門智通等奉

勅撰

右經疏一部均成二十卷并例訣

義目共二十二卷分爲第五第

六帙

八十六卷正元新集古今制令

碑表記錄

高宗

置京師西明寺制令集二卷

寺碑
附出

右沙門圓照謹依

元勅

今本
集出

京師西明寺錄三卷

釋氏道宣感通記一卷

關中創立戒壇圖經一卷

右終南山故大德西明寺上座釋氏
道宣律師修述共三部五卷末入一
切經藏今請編入目錄

睿宗

玄宗

釋氏系錄一卷

右謚大慧禪師沙門一行開元年奉

勅修撰已編入史總有四條一綱維塔
寺二說法指歸三坐禪修證四三法
服衣於中齋法附

故金剛智三藏行記一卷

右灌頂弟子正議大夫行中書舍

人侍 皇太子諸王文章集賢院

學士呂向紀

東京大廣福寺故金剛三藏塔銘一卷

并序

右混倫翁撰并書已上六部共八

卷同第一帙

大唐安國大法師釋利涉紀傳十卷

右左監門衛率府錄事參軍趙克勛

字俱修述 右為一部同第二帙

先天開元天寶誥制集三卷

碑表狀
附見

右沙門圓照謹依年代次而述之

肅宗制旨碑表集一卷

代宗制旨碑表集一卷

贈司空謚大辯正廣智不空三藏碑表集七卷

右二部共十二卷同為第三帙

大唐再修隋故傳法高僧信行禪師塔

碑表集
五卷

翻經臨壇大德西明安國兩寺上座乘如表

狀集三卷

今上修撰僉定四分律疏

制旨集一卷

大唐正元續開元錄卷下 第五

般若三藏續古今翻譯經圖紀二卷

右四部共十一卷同為第四帙

大乘理趣六波羅蜜多經音義二卷

三教法王存歿年代本記三卷

上卷佛中卷道
下卷儒儒中全

翻經大德翰林待詔光宅寺沙門利言集二卷

翻經大德西明寺上座賜紫沙門良秀集二卷

右四部共九卷同為第五帙

僧寶道明讚六十首一卷

超濟院
讚附見

右朝散大夫守太子詹事賜紫金魚

袋致仕魯國都昂字高卿撰

再修釋迦牟尼佛法王本記一卷

大聖釋迦牟尼佛現八相身利益

天人成正
覺記一卷

判方等道場欲受近圓沙彌懺悔

滅罪辯瑞
相記一卷

釋氏五部律翻譯年代傳授人記一卷

新修大莊嚴寺本師釋迦牟尼佛牙寶塔記三卷

聖朝無憂王寺大聖釋迦牟尼佛真身舍利塔記三卷

右七部共十一卷同爲第六帙

唐朝傳法三學大德沙門碑記集十五卷
建中興元正元制旨釋門并表集二卷
御題章敬寺太子百寮奉和詩集三卷
大唐正元續開元釋教錄三卷

上卷翻經 中卷疏記 下卷入藏

大唐正元續開元錄卷下

第六世

右四部共二十三卷分成第七第八帙

大唐正元續開元釋教錄卷下